

Na osnovu člana 16. stav 4. Zakona o Vladi Zeničko-dobojskog kantona („Službene novine Zeničko-dobojskog kantona“, broj 7/10), Zakona o izvršenju Budžeta Zeničko-dobojskog kantona za 2014. godinu („Službene novine Zeničko-dobojskog kantona“ broj 15/13), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 182. sjednici, održanoj 12.09.2014. godine, d o n o s i

ZAKLJUČAK

o usvajanju Programa revitalizacije poljoprivredne proizvodnje nakon stanja prirodne nesreće uz program utroška sredstava Budžeta Zeničko-dobojskog kantona za poticaje u poljoprivredi za 2014. godinu

I.

Usvaja se Program revitalizacije poljoprivredne proizvodnje nakon stanja prirodne nesreće uz program utroška sredstava Budžeta Zeničko-dobojskog kantona za poticaje u poljoprivredi za 2014. godinu, u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2013. godinu, ekonomski kod 614 400, NAD 402, u iznosu od 2.000.000,00 KM (slovima: dvamiliona konvertibilnih maraka).

II.

Za realizaciju ovog zaključka zadužuju se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

III.

Zaključak stupa na snagu danom donošenja.

Broj: 02-_____/14
Datum, 12.09.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

PROGRAM
revitalizacije poljoprivredne proizvodnje nakon stanja prirodne nesreće uz program
utroška sredstava Budžeta Zeničko-dobojskog kantona za poticaje u
poljoprivredi za 2014. godinu

Opći podaci o Programu

1. Program je usvojen: na 182. sjednici Vlade Zeničko-dobojskog kantona održanoj dana 12.09.2014. godine.
2. Period realizacije Programa: isplata podrški za poljoprivredne proizvodnje koje su realizovane u periodu 2014. godine. *Napomena:* u ovom periodu izvršit će se i isplata za podrške za period 2013/2014. godine.
3. Ukupna vrijednost Programa: 2.000.000,00 KM.
4. Namjena Programa: pomoć u sanaciji šteta nakon stanja prirodne nesreće na području Zeničko – dobojskog kantona, kao i podrška primarnoj poljoprivrednoj proizvodnji – animalnoj i biljnoj, otkupljivačima, projektima za unapređenje stanja u poljoprivredi.
5. Korisnici Programa: poljoprivredni proizvođači, zadruge, udruženja poljoprivrednika, proizvođači i prerađivači prehrambenih proizvoda.
6. Izvor sredstava: Budžet Zeničko-dobojskog kantona za 2014. godinu - Budžet Ministarstva za poljoprivredu, šumarstvo i vodoprivredu – „Subvencije za podsticaj razvoja u poljoprivrednoj proizvodnji“, razdjel 23, budžetska organizacija 01, potrošačka jedinica 0001, ekonomski kod 614400, NAD 402 i „Zakon o izvršenju Budžeta Zeničko- dobojskog kantona“ ("Službene novine Zeničko- dobojskog kantona", broj: 15/13).
7. Nosilac Programa: Ministarstvo za poljoprivredu, šumarstvo i vodoprivredu Zeničko – dobojskog kantona.
8. Odgovorna osoba: Bojan Bošnjak, ministar.

Zenica, avgust 2014. godine

I UVOD

U Zakonu o poljoprivredi (*"Službene novine Federacije BiH"*, broj: 88/2007) utvrđeni su pravci budućeg razvoja poljoprivrede. Razvoj se u značajnoj mjeri oslanja na podsticajna sredstva iz federalnog i kantonalnih budžeta i što je nivo podsticajnih sredstava bliži podsticajima u okruženju (Hrvatska i Srbija), to je realnije očekivati razvoj poljoprivrede na našem području.

Po Programu za 2014. godinu ukupno opredijeljena sredstva za podsticaje u poljoprivredi iznose 2.000.000,00 KM.

U izradi Programa za 2014. godinu korišteni su slijedeći parametri:

- Podaci o štetama u poljoprivredi nakon stanja prirodne nesreće na području Zeničko – dobojskog kantona,
- Proizvodne resursne mogućnosti Zeničko-dobojskog kantona,
- Preporuke Srednjoročne strategije razvoja i Zakona o poljoprivredi,
- Kontinuitet podsticajnih mjera,
- Mogućnosti plasmana podsticanih proizvodnji,
- Preporuke stručnih poljoprivrednih službi Ministarstva koje neposredno na terenu prate kretanja u poljoprivrednoj proizvodnji i prerađivačkim kapacitetima prehrambene industrije i
- Preporuke naučnih i stručnih institucija iz sektora.

Ispoštovan je dogovor sa Federalnim ministarstvom poljoprivrede, vodoprivrede i šumarstva oko harmonizacije podsticaja, u smislu da nema preklapanja federalnih i kantonalnih podsticaja. Izuzetno, preklapat će se oni podsticaji koji po kriterijima sa federalnog nivoa nisu ostvarivi za naše proizvođače, to znači da nijedan proizvođač ne može ostvariti po dva osnova isti podsticaj.

Ovogodišnji Program, koji i u svom naslovu nosi dio „*Program revitalizacije poljoprivredne proizvodnje nakon stanja prirodne nesreće*“, biće prije svega usmjeren na sanaciju šteta u poljoprivrednoj proizvodnji nakon poplava. Usljed vrlo složene situacije u cjelokupnom sektoru poljoprivrede u 2014. godini, u skladu sa raspoloživim resursima, dio od ukupno raspoloživih sredstava usmjerićemo i na mjere podrške koje će obezbijediti neophodnu stabilizaciju poljoprivredne proizvodnje u Zeničko – dobojskom kantonu.

Sredstva iz Budžeta Zeničko-dobojskog kantona za 2014. godinu namjenjena za realizaciju ovog Programa su usmjerena prema proizvodnjama i aktivnostima kako slijedi.

A/ Podrška u sanaciji šteta od poplava

A/1 Animalna proizvodnja

- Obezbjeđenje sredstava za nadoknadu štete za uginule životinje.

A/2 Biljna proizvodnja

- Pomoć poljoprivrednim proizvođačima u sjetvenim paketima (pomoć u ratarskoj proizvodnji),
- Pomoć u sanaciji povrtlarske proizvodnje u zaštićenom prostoru – nabavka novih i rekonstrukcija postojećih plastenika na područjima ugroženim poplavama/klizištima,
- Pomoć poljoprivrednim proizvođačima kod saniranja šteta od poplava/klizišta u intenzivnim zasadima visokostablašica,

- Pomoć poljoprivrednim proizvođačima kod saniranja šteta od poplava/klizišta u zasadima maline, kupine i borovnice.

B/ Podrška poljoprivrednoj proizvodnji/redovni poticaji

B/1 Animalna proizvodnja

- Premija za uzgoj brojlera,
- Premija za proizvodnju konzumnih jaja,
- Podrška za držanje pčelinjih zajednica.

B/2 Biljna proizvodnja

- Premija za proizvodnju povrća u zaštićenom prostoru,
- Premija za proizvodnju američke borovnice i aronije,
- Premija za proizvodnju malina i kupina,
- Premija za proizvodnju gljiva,
- Premija za proizvodnju presadnica povrća,
- Premija za zasnivanje novih zasada maline, kupine, američke borovnice i aronije,
- Premija za zasnivanje novih zasada voća – visokostablašica,
- Premija za zasnivanje i održavanje zasada autohtonih sorti voća,
- Premija za zasnivanje i održavanje zasada vinove loze i voćnih vrsta manje zastupljenih u plantažnom uzgoju.

C/ Podrška otkupljivačima poljoprivrednih proizvoda

- Premija otkupljivačima svježeg voća i povrća,
- Premija otkupljivačima nekultivisanih šumskih plodova, bobičastog voća i nekultivisanih gljiva,
- Premija otkupljivačima jagodičastog voća,
- Premija za otkup jagodičastog voća otkupljivačima koji vrše zamrzavanje.

D/ Pomoć u stvaranju povoljnijeg ambijenta za poljoprivredne proizvođače

- Podrška razvoju poljoprivredne proizvodnje u zaštićenom prostoru,
- Podrška poljoprivrednicima kod zasnivanja zasada voća (visokostablašica i jagodičastog voća),
- Podrška proizvođačima i prerađivačima ovčijeg i kozijeg mlijeka.

E/ Podrška projektima

- Medijsko predstavljanje domaće poljoprivredne proizvodnje,
- Podrška u radu i aktivnostima organizacija koje se bave pitanjima poljoprivrednika,
- Finansiranje i štampanje edukativnog i propagadnog materijala iz oblasti poljoprivrede,
- Podrška sajmovima i izložbama poljoprivrednika.

F/ Nerealizovani poticaji

- Premija za uzgoj priplodnih junica (dio neisplaćenih sredstava iz 2012. godine),
- Nerealizovane podrške iz 2013. (administrativne poteškoće).

G/Rezerve

Rezerve – nepredviđeni zahtjevi.

II KRITERIJI ZA RASPODJELU SREDSTAVA

Odobrena finansijska sredstva iz budžeta Zeničko-dobojskog kantona pod stavkom "Subvencije za podsticaj razvoja u poljoprivrednoj proizvodnji" opredjelit će se fizičkim i pravnim licima (u daljem tekstu: korisnici) prema općim i posebnim kriterijima.

1. Opći kriteriji

Pravo na ostvarivanje podrški ostvaruju:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Zeničko-dobojskog kantona, te se bave otkupom poljoprivrednih proizvoda sa područja Zeničko-dobojskog kantona, osim ako to ovim Programom ili Uputstvom nije drugačije propisano.
- korisnici koji imaju stalno mjesto prebivališta, odnosno za pravna lica sjedište, na području Zeničko-dobojskog kantona.
- korisnici koji su upisani u registar gazdinstava/klijenata.

2. Posebni kriteriji

- korisnici koji po bilo kojem osnovu nisu izmirili svoja dugovanja prema kantonu neće moći ostvariti pravo na poticaje.
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje.
- korisnici koji ispunjavaju posebno propisane kriterije predviđene ovim Programom i Uputstvom o ostvarivanju novčanih podrški za poljoprivrednu proizvodnju ili djelatnost u poljoprivredi u 2014. godini (u daljem tekstu Uputstvo), koje donosi Ministar Ministarstva za poljoprivredu, šumarstvo i vodoprivredu Zeničko-dobojskog kantona.

III PODSTICANJE KROZ PROGRAM

A/ Podrška u sanaciji šteta od poplava

A/1 Sanacija šteta u animalnoj proizvodnji

Obezbjeduje se naknada za uginule životinje koje su stradale u poplavama/klizištima na području Zeničko-dobojskog kantona, po vrstama u slijedećim iznosima:

1. Svinje: 200,00 KM/grlu
2. Ovce: 200,00 KM/grlu
3. Perad: 4,00 KM/grlu

Napomena: naknada šteta koje su imali poljoprivredni proizvođači koji uzgajaju krupnu stoku biće realizovana od strane Federalnog ministarstva za poljoprivredu, šumarstvo i vodoprivredu.

A/2 Sanacija šteta u biljnoj proizvodnji

- 1. Pomoć poljoprivrednim proizvođačima u sjetvenim paketima (pomoć u ratarskoj proizvodnji).** Pomoć za sanaciju poplavama uništenih ratarskih usjeva kroz robni vid pomoći nabavkom sjemena i mineralnih đubriva za proizvođače koji su imali štetu od poplava na usjevima u 2014. godini. Ratarska proizvodnja u područjima koja su pogođena poplavama imala je značajne štete, ali zbog termina u kojima se dogodila poplava i potrebe za sanacijom zemljišta nije bilo moguće nadomjestiti uništenu proizvodnju. Poljoprivredni proizvođači su pored izgubljenih sredstava koja su uložili u sjetvu izgubili i planirani prinos. Ulaganjem u sjetvu u sezoni 2014/2015. sa ozimim i jarim kulturama direktno se pomaže održivost ove proizvodnje, a ujedno se saniraju štete od poplava iz protekle sezone. Sjetveni paketi bi bili isporučeni u sjetvenim terminima u jesen 2014. i proljeće 2015. godine.
Sjetveni paketi – pomoć u ratarskoj proizvodnji:
a) Kukuruz: sjeme i đubrivo (NPK 15:15:15, KAN)
b) Strna žita: sjeme i đubrivo (NPK 15:15:15, KAN)
c) Krompir: sjeme i đubrivo (NPK 15:15:15, KAN)
- 2. Pomoć u sanaciji povrtlarske proizvodnje u zaštićenom prostoru – nabavka novih i rekonstrukcija postojećih plastenika na područjima ugroženim poplavama/klizištima.** Nadoknada štete će biti obavljena isporukom i montažom plastenika, kao i rekonstrukcijom oštećenih plastenika. Rekonstrukcijom plastenika oštećenih u poplavama i nabavkom novih plastenika/staklenika koji imaju za cilj daljnji razvoj povrtlarske proizvodnje u zaštićenom prostoru obezbjediće se efikasnija potpora ovim poljoprivrednicima kroz materijalnu i svjetodavnu podršku.
- 3. Saniranje šteta od poplava/klizišta u intenzivnim zasadima visokostablašica.** Pomaže se revitalizacija intenzivnih zasada voća koji su djelimično ili upotpunosti uništeni kao posljedica poplava/klizišta. Za sanaciju intenzivnih voćnih zasada koji su bili u sistemu novčane podrške, a pretrpjeli su potpunu ili djelimičnu štetu usljed poplava/klizišta odobravaju se novčana sredstva u maksimalnom iznosu do 1.500 KM/dunumu. Pravo na ostvarenje podrške imaju aplikanti čiji su zasadi voća bili u sistemu podrške te ispune i druge kriterije koji će biti propisani Uputstvom.
- 4. Saniranje šteta od poplava/klizišta u zasadima maline, kupine i borovnice.** Pomaže se revitalizacija zasada jagodičastog voća koji su djelimično ili upotpunosti uništeni kao posljedica poplava/klizišta. Za sanaciju voćnih zasada maline, kupine i borovnice koji su

bili u sistemu novčane podrške, a pretrpjeli su potpunu ili djeliničnu štetu usljed poplava/klizišta odobravaju se novčana sredstva u maksimalnom iznosu do 1.500 KM/dunumu. Pravo na ostvarenje podrške imaju aplikanti čiji su zasadi voća bili u sistemu podrške te ispune i druge kriterije koji će biti propisani Uputstvom

Napomena: *Pravo na nadoknadu šteta u poljoprivrednoj proizvodnji, prouzrokovanih elementarnim nepogodama, imaju poljoprivredni proizvođači koji su uneseni u zapisnik sačinjen od strane najmanje dva službena lica (državni službenici sa svih nivoa, komisije formirane ispred štabova civilne zaštite, policija). Zapisnik se prihvata ako je sačinjen do 01.09.2014. godine.*

B/ Podrška poljoprivrednoj proizvodnji/redovni poticaji

B/1 Animalna proizvodnja

- 1. Premija za uzgoj brojlera** – premira se uzgoj utovljenih brojlera sa 0,06 KM/brojler, za uzgajivače koji su registrovani za obavljanje ove djelatnosti, u vlastitim ili zakupljenim objektima na području Zeničko-dobojskog kantona i koji usele najmanje 5.000 brojlera u turnusu. Uzgajivač mora imati Ugovor o kooperaciji sa subjektom registrovanim za preradu brojlerskog mesa, te ispunjavati i druge kriterije koji će biti propisani Uputstvom.
- 2. Premija za proizvodnju konzumnih jaja** – premiraju se proizvođači konzumnih jaja registrovani za obavljanje te vrste djelatnosti sa 1,50 KM/pilenka, koji usele minimalno 5.000 komada 18-nedjeljnih pilenki lake linije. Proizvodnja mora biti u vlastitom ili zakupljenom objektu na području Zeničko-dobojskog kantona, te aplikant treba ispunjavati i druge kriterije koji će biti propisani Uputstvom.
- 3. Podrška za držanje pčelinjih zajednica** – podržavaju se korisnici koji u vlasništvu imaju najmanje 20 aktivnih pčelinjih zajednica u iznosu od 10,00 KM/pčelinjoj zajednici, pod uslovom da su pčele pod stalnim veterinarskim nadzorom, te da ispunjavaju i druge kriterije koji će biti propisani Uputstvom.

B/2 Biljna proizvodnja

- 1. Premija za proizvodnju povrća u zaštićenom području** – podržavaju se poljoprivredni proizvođači koji imaju registrovanu poljoprivrednu djelatnost (kao osnovnu djelatnost) sa 5 KM/m² za proizvodnju povrća minimalne površine od 700 m² plastenika ili staklenika. Aplikanti treba da ispunjavaju i druge kriterije koji će biti propisani Uputstvom.
- 2. Premija za proizvodnju borovnice i aronije** – premira se proizvodnja borovnice i **aronije-plantažni uzgoj sa 0,30 KM/kg kod proizvođača koji imaju zasade borovnice i/ili aronije** i koji predaju otkupljivaču/prerađivaču proizvedenu borovnicu/aroniju, te da ispunjavaju i druge kriterije koji će biti propisani Uputstvom.
- 3. Premija za proizvodnju malina i kupina** - premira se proizvodnja malina i kupina sa 0,10 KM/kg, kod proizvođača koji imaju zasnovan zasad maline/kupine i koji predaju otkupljivaču/prerađivaču minimalno 600 kg maline/kupine, te da ispunjavaju i druge kriterije koji će biti propisani Uputstvom.

4. **Premija za proizvodnju gljiva** – premira se proizvodnja gljiva (šampinjona i bukovača) sa 50,00 KM/toni kupljenog komposta, kod proizvođača koji su proizvodnju gljiva registrovali kao djelatnost, te da ispunjavaju i druge kriterije koji će biti propisani Uputstvom.
5. **Premija za proizvodnju presadnica povrća** – premira se registrovana proizvodnja presadnica povrća u iznosu od 0,04 KM po proizvedenoj presadnici povrća proizvođačima koji u proizvedu do 2.000.000 presadnica, te da ispunjavaju i druge kriterije koji će biti propisani Uputstvom.
6. **Premija za zasnivanje novih zasada maline, kupine borovnice i aronije** – premira se zasnivanje novih zasada maline, kupine borovnice i aronije na površini od minimalno 1 dunum, sa iznosom od 300,00 KM/dunumu, te da ispunjavaju i druge kriterije koji će biti propisani Uputstvom.
7. **Premija za zasnivanje novih zasada voća (visokostablašice)** – ova podrška se realizuje kroz dvije kategorije. Prva kategorija se odnosi na podršku od 300,00 KM/dunumu za poluintezivne zasade voća-visokostablašica (jabuka, kruška, šljiva, trešnja, višnja, lješnik, kajsija, breskva), na površinama od minimalno 2 dunuma. Druga kategorija odnosi se na podršku od 500,00 KM/dunumu za intezivne zasade voća-visokostablašica (jabuka, kruška, šljiva, trešnja, višnja, lješnik, kajsija, breskva), na površinama od minimalno 2 dunuma, te da ispunjavaju i druge kriterije koji će biti propisani Uputstvom.
8. **Premija za zasnivanje i održavanje zasada autohtonih sorti voća** – premira se zasnivanje i održavanje zasada autohtonih sorti voća površine od minimalno 2 dunuma sa iznosom od 500,00 KM/dunumu. Aplikanti treba da ispunjavaju i druge kriterije koji će biti propisani Uputstvom.
9. **Premija za zasnivanje i održavanje zasada vinove loze i voćnih vrsta manje zastupljenih u plantažnom uzgoju** – premira se zasnivanje i održavanje zasada površine od minimalno 2 dunuma sa iznosom od 300,00 KM/dunumu. Aplikanti treba da ispunjavaju i druge kriterije koji će biti propisani Uputstvom.

C/ Podrška otkupljivačima poljoprivrednih proizvoda

1. **Premija otkupljivačima za otkup svježeg voća i povrća** – premiraju se registrovani otkupljivači voća i povrća (izuzev jagodičastog voća) sa 0,04 KM/kg koji od proizvođača sa kojima imaju sklopljene ugovore o proizvodnji i otkupu voća i povrća izvrše otkup i isto prodaju, a maksimalan iznos podrške po jednom subjektu iznosi 20.000,00 KM, te da ispunjavaju i druge kriterije koji će biti propisani Uputstvom.
2. **Premija otkupljivačima nekultivisanih šumskih plodova, bobičastog voća i nekultivisanih gljiva** – premiraju se registrovani otkupljivači nekultivisanih šumskih plodova, bobičastog voća i nekultivisanih gljiva sa 0,40 KM/kg koji su otkupili nekultivisane šumske plodove, bobičasto voće i nekultivisane gljive i iste prodaju, te ispunjavaju i druge kriterije koji će biti propisani Uputstvom.
3. **Premija otkupljivačima jagodičastog voća** – premiraju se registrovani otkupljivači voća sa 0,04 KM/kg jagodičastog voća koji od proizvođača sa kojima imaju sklopljene ugovore o

otkupu jagodičastog voća izvrše otkup, i ispunjavaju i druge kriterije koji će biti propisani Uputstvom.

- 4. Premija otkupljivačima jagodičastog voća koji vrše zamrzavanje** – premiraju se registrovani otkupljivači voća sa 0,05 KM/kg jagodičastog voća koji od poljoprivrednih proizvođača sa područja Zeničko-dobojskog kantona sa kojima imaju sklopljene ugovore o otkupu voća, izvrše otkup i iste zamrznu u vlastitim komorama, te da ispunjavaju i druge kriterije koji će biti propisani Uputstvom.

D/Pomoć u stvaranju povoljnijeg ambijenta za poljoprivrednu proizvodnju

- 1. Podrška razvoju poljoprivredne proizvodnje u zaštićenom prostoru.** Ovdje se zapravo predviđa pomoć u stvaranju povoljnijeg ambijenta za proizvođače u povrtlarskoj proizvodnji kroz nabavku plastenika i staklenika.
- 2. Podrška poljoprivrednicima kod zasnivanja zasada voća (visokostablašica i jagodičastog voća).** Ovim mjerama predviđa se dodatna pomoć u stvaranju povoljnijeg ambijenta za proizvođače u voćarskoj proizvodnji kroz nabavku sadnica voća različitih sorti visokostablašica i različitih sorti jagodičastog voća.
- 3. Podrška proizvođačima i preradačima ovčijeg i kozijeg mlijeka.** Namjera je da se pomogne razvoj ove poljoprivredne grane za koju imamo odlične uslove i zainteresovane poljoprivrednike, a finansijska podrška je namjenjena proizvođačima koji su nabavili opremu za preradu mlijeka.

Detaljniji uslovi za ostvarenje ovih oblika podrške biće definisani Uputstvom koje će biti doneseno nakon usvajanja ovog Programa.

E/Podrška projektima

- 1. Medijsko predstavljanje domaće poljoprivredne proizvodnje** – ima za svrhu upoznavanje poljoprivrednih proizvođača sa predviđenim poticajima za poljoprivrednu proizvodnju, te afirmativno predstavljanje mogućnosti razvoja poljoprivredne proizvodnje na području ZE-DO kantona kao i davanje drugih informacija vezanih za rad Ministarstva za poljoprivredu, šumarstvo i vodoprivredu Zeničko-dobojskog kantona.
- 2. Podrška radu i aktivnostima organizacijama poljoprivrednika** – ima za svrhu afirmisanje rada organizacija poljoprivrednika, kao i podršku radu i aktivnostima poljoprivrednih i veterinarskih udruženja, poljoprivrednih zadruga i zadružnih saveza ciljem kvalitetnijeg organizovanja i boljeg pristupa informacijama poljoprivrednih proizvođača. Takođe, u sklopu ovih aktivnosti predviđeno je i sufinansiranje učešća na različitim privrednim manifestacijama iz oblasti poljoprivredne i prehrambene industrije - odlasci i izlaganje poljoprivrednih proizvođača na sajmovima i izložbama iz oblasti poljoprivredno-prehrambene proizvodnje i sl.
- 3. Finansiranje i štampanje edukativnog i propagadnog materijala iz oblasti poljoprivrede te nabavke repromaterijala za Izvještajno prognoznju službu** – sa svrhom što efikasnijeg informisanja poljoprivrednih proizvođača o poticajima iz Programa poticaja, predstavljanja istaknutih poljoprivrednih subjekata sa područja ZE-DO kantona, štampanje letaka i brošura, nabavke repromaterijala i slično.

F/Nerealizovani poticaji

- 1. Premija za uzgoj priplodnih junica (dio neisplaćenih sredstava iz 2012. godine).** Predmet ove podrške je realizacije dijela programa iz 2012. godine za uzgoj kvalitetnih priplodnih junica. Zbog povećanog broja zaprimljenih zahtjeva koji su se akumulirali još iz ranijih perioda, uz veoma ograničena budžetska sredstava, isplata ove podrške naišla je na usko grlo zbog kojega su zahtjevi iz perioda od jula do oktobra 2012. (kako je programom bilo definisano) ostali neobuhvaćeni odlukama Vlade ZDK. Iz sličnih razloga podrška za ovu proizvodnju izostavljena je u 2013. godini.
- 2. Nerealizovane podrške iz 2013. (administrativne poteškoće).** Tokom realizacije Programa došlo je do određenih tehničkih grešaka kod donošenja pojedinih zaključaka o isplatama na sjednicama Vlade, kao i kod knjiženja pojedinih iznosa u Ministarstvu finansija Zeničko – dobojskog kantona.

G/Rezerve

Sredstva rezerve koristiti će se za hitne i nepredviđene zahtjeve koji se pojave tokom budžetske godine, o čijem utrošku će odluku donositi Ministar.

TABELARNI PREGLED POTICAJA U POLJOPRIVREDI ZA 2014. GODINU

Sredstva odobrena Budžetom iznose 2.000.000,00 KM i rasporedit će se u skladu sa Programom i Uputstvom na slijedeće oblasti:

Tabela 1. Raspodjela sredstava za sanaciju šteta u animalnoj proizvodnji

SANACIJA ŠTETA – ANIMALNA PROIZVODNJA			
A/1	Br.	Vrsta pomoći	KM/jed.mjere
	1.	Svinje	200/grlo
	2.	Ovce	200/grlo
	3.	Perad	4/kljun
		UKUPNO A/1	70.000,00

Tabela 2. Raspodjela sredstava za sanaciju šteta u biljnoj proizvodnji

SANACIJA ŠTETA – BILJNA PROIZVODNJA			
-------------------------------------	--	--	--

A/2	Br.	Vrsta pomoći	Procjena ¹ sredstava
	1.	Pomoć poljoprivrednim proizvođačima u sjetvenim paketima	
	2.	Pomoć u sanaciji povrtlarske proizvodnje u zaštićenom prostoru (novi i rekonstrukcija)	
	3.	Saniranje šteta u intenzivnim zasadima visokostablašica	
	4.	Saniranje šteta u zasadima maline, kupine i borovnice	
		UKUPNO A/2	350.000,00

Tabela 3. Raspodjela sredstava po modelu poticaja za animalnu proizvodnju/redovni poticaji

ANIMALNA PROIZVODNJA			
B/1	Br.	Vrsta poticaja	KM/jed.mjere
	1.	Premija za uzgoj brojlera	0,06/kljun
	2.	Premija za proizvodnju konzumnih jaja	1,50/kljun
	3.	Podrška za držanje pčelinjih zajednica	10/koš
		UKUPNO B/1	300.000,00

Tabela 4. Raspodjela sredstava po modelu poticaja za biljnu proizvodnju/redovni poticaji

BILJNA PROIZVODNJA			
B/2	Br.	Vrsta poticaja	KM/jed.mjere
	1.	Premija za proizvodnju povrća u plastenicima i staklenicima	5/m ²
	2.	Premija za proizvodnju borovnice i aronije	0,30/kg
	3.	Premija za proizvodnju malina i kupina	0,10/kg
	4.	Premija za proizvodnju gljiva	50/t komp
	5.	Premija za proizvodnju presadnica povrća	0,04/pres.
	6.	Premija za nove zasade maline, kupine borovnice i aronije	300/0,1 ha
	7.	Premija za nove zasade voća visokostablašica	Poluinte. 300/0,1ha Intenziv. 500/0,1ha
	8.	Premija za zasnivanje i održavanje zasada autohtonih sorti voća	500/0,1ha
	9.	Premija za zasnivanje i održavanje zasada vinove loze i voćnih vrsta manje zastupljenih u plantažnom uzgoju	300/0,1ha
		UKUPNO B/2	450.000,00

Tabela 5. Raspodjela sredstava po modelu poticaja otkupljivačima

OTKUPLJIVAČI			
C	Br.	Vrsta poticaja	KM/jed.mjere
	1.	Premija otkupljivačima svježeg voća i povrća	0,04/kg

¹ Ovdje se radi o okvirnoj procjeni neophodnih sredstava, koju ne možemo sa sigurnošću definisati u ovom trenutku.

Ministarstvo za poljoprivredu, šumarstvo i vodoprivredu Zeničko – dobojskog kantona

2.	Premija otkupljivačima nekultivisanih šumskih plodova, bobičastog voća i nekultivisanih gljiva	0,40/kg
3.	Premija otkupljivačima jagodičastog voća	0,04/kg
4.	Premija za otkup jagodičastog voća otkupljivačima koji vrše zamrzavanje	0,05/kg
	UKUPNO C	110.000,00

Tabela 6. Sredstava za stvaranje povoljnijeg ambijenta za poljoprivrednu proizvodnju

NOVA ULAGANJA			
D	Br.	Vrsta pomoći	Procjena sredstava
	1.	Podrška razvoju poljoprivredne proizvodnje u zaštićenom prostoru,	
	2.	Podrška poljoprivrednicima kod zasnivanja zasada voća – visokostablašica i jagodičastog voća	
	3.	Podrška proizvođačima i prerađivačima ovčijeg i kozijeg mlijeka	
		UKUPNO E	350.000,00

Tabela 7. Raspodjela sredstava za podršku projektima

PODRŠKA PROJEKTIMA			
E	Br.	Vrsta poticaja	Iznos (KM)
	1.	Medijsko predstavljanje domaće poljoprivredne proizvodnje	20.000,00
	2.	Podrška radu i aktivnostima organizacijama poljoprivrednika	50.000,00
	3.	Finansiranje i štampanja edukativnog i propagadnog materijala	5.000,00
	4.	Podrška sajmovima i izložbama poljoprivrednika	10.000,00
		UKUPNO E	85.000,00

Tabela 8. Raspodjela sredstava za nerealizovane poticaje

NEREALIZOVANI POTICAJI			
F	Br.	Vrsta poticaja	Iznos (KM)
	1.	Premija za uzgoj priplodnih junica (dio neisplaćenih sredstava iz 2012. godine)	
	2.	Nerealizovane podrške iz 2013. (administrativne poteškoće)	
		UKUPNO F	185.000,00

Tabela 9. Sredstva rezerve

REZERVA			
---------	--	--	--

G			Iznos (KM)
	Rezerva	Nepredviđeni troškovi	100.000,00
	UKUPNO G		100.000,00
	UKUPNO (A+B+C+D+E+F+G)		2.000.000,00

Napomena: Kolone u tabelama koje definišu procjenu potrebnih iznosa sredstava u KM su samo projekcija mogućeg utroška sredstava, tako da će ovisno o broju zahtjeva biti prelijevanja sredstava iz jednog poticaja u drugi.

IV NAČIN OSTVARIVANJA PODRŠKI

Podrške ostvaruju korisnici koji ispunjavaju opće i posebne uslove propisane ovim Programom i Uputstvom, kojim će se utvrditi postupak i potrebna dokumentacija te obrasci i drugi relevantni podaci.

Ukoliko drugačije nije propisano Uputstvom, korisnici koji ostvare proizvodnju ili otkupe određene poljoprivredne proizvode podnose nadležnom općinskom organu propisanu dokumentaciju za ostvarivanje podrški, a općinski organ kompletiranu dokumentaciju proslijeđuje na protokol Kantona.

Daljnji postupak sa zahtjevima korisnika provodi se u skladu sa Procedurom za ostvarivanje prava na novčane podrške u primarnoj poljoprivrednoj proizvodnji ZE-DO-PR-023 i Procedurom za ostvarivanje poticaja u stočnoj proizvodnji ZE-DO.PR:024 utvrđenim u standardima BAS EN ISO 9000:2000 i BAS EN ISO 9001:2000.

Izuzetno, ako je to u njegovom interesu, korisnik može aplicirati za ostvarivanje podsticaja u poljoprivredi, poštom ili direktnom predajom dokumentacije na protokol Kantona.

V SVRHA PROGRAMA

Svrha ovog Programa je da se nastave započeti i otvore novi procesi u poljoprivrednom sektoru, s ciljem da se ostvari:

- revitalizacija poljoprivredne proizvodne nakon stanja prirodne nesreće,
- povećanje obima poljoprivredne proizvodnje,
- veće zapošljavanje i smanjenje stope nezaposlenosti,
- zadovoljavanje potreba domaćeg tržišta vlastitim proizvodima,
- uvođenje novih tehnologija u poljoprivrednu proizvodnju,
- postizanje svjetskih standarda u proizvodnji hrane,
- razvoj prehrambene industrije,
- snabdijevanje prehrambene industrije sirovinama,
- stabilizacija tržišta poljoprivredno-prehrambenih proizvoda,
- unapređenje rada zadruga i udruženja poljoprivrednih proizvođača,
- smanjivanje ovisnosti od uvoza i stvaranje pretpostavki za izvoz,
- stvaranje tržišno orijentisanih proizvođača,
- povećanje sjetvenih površina i privođenje kulturi neobrađenog obradivog poljoprivrednog zemljišta,
- ravnomjerniji razvoj poljoprivredne proizvodnje na području ZE-DO kantona,
- povećavanje svijesti stanovništva o potrebi korištenja i kupovine domaćih proizvoda.

VI IZVORI SREDSTAVA

Izvor sredstava za realizaciju Programa je Budžet Zeničko-dobojskog kantona za 2014. godinu ("*Službene novine Zeničko-dobojskog kantona*", broj:15/13), u kojem je na stavci "Subvencije za podsticaj razvoja u poljoprivrednoj proizvodnji" u razdjelu 23. budžetska organizacija 01, potrošačka jedinica 0001, ekonomski kod 614400, NAD 402 planiran iznos od 2.000.000,00 KM. Planirani iznos će se realizovati u skladu sa prilikom sredstava u Budžetu, a na bazi mjesečnih operativnih planova.

VII KORISNICI SREDSTAVA

Korisnici sredstava su fizička i pravna lica koja ispune propisane opće i posebne kriterije iz ovog Programa i Uputstva (poljoprivredni proizvođači, zadruge, udruženja poljoprivrednih proizvođača, prerađivači poljoprivrednih proizvoda i dr.).

Broj: 02- -1/14.

Datum, 12.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.